



Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 8. Athanasius Patriacha Constantinopolitanus.

urn:nbn:de:hbz:466:1-67012

Sæcul. XIII.
A.C. 1289.

§. VIII.

Athanasius Patriarcha Constantinopolitanus.

Gregor. l. 6. Is erat homo magnæ virtutis, sed sine litteris, sine usu rerum civilium, a puerō laborib⁹ monasticis, jejuniis, vigiliis, humi cubando, secessibus specubusque montanis assuetus. Et vero ab ingressu muneric⁹ antecessoribus suis longe dissimilem se præstabat. Per plateas pedibus ibat; gestabat vestem asperam, & soleas rudes sua factas manu; & in simplicitate summa vivebat. Sed ut erat durus erga se ipsum, sic ei deerat humanitas & indulgentia erga alios. Hæc contra eum vituperia proferebantur tunc, cum Imperator de illo eligendo deliberaret: & idem ille in argumentum crudelitatis suæ dicebatur oculos eruisse asino horti monastici herbas depascenti. Alii vero miracula ei tribuentes ajebant eum quodam die collectis herbis onerasse lupum obvium, & portare has in coenobium jussisse. Sed rescitum est postea paruisse hominem Lupum nomine. Nihilominus Imperator libratis bonis malisque de Athanasio dictis, illa præpondere judicans eum creare Patriarcham statuit.

Pachym.
c. 14.

Decla-

Declaravit eum publice in majore pa- Sæcul. XIII.
A. C. 1289.
latio 14 Oct. an. 1289: & inde Athana-
sius pedes ad S. Sophiæ transit; ubi
paulo post fuit inauguratus. Hanc in-
ter ceremoniam acciderunt levia quæ-
dam, quæ Græcorum superstitione accepit
in ostenta & omina, Athanasium de sede
sua antecessorum instar depulsum iri por-
tendentia. Inter alia observatum est
tunc, cum Evangelium pro more collo
ejus impositum esset, verba, quæ liber a-
pertus offerebat legenda, execrationes
fuisse; ac versis aliquot foliis, nihil me-
lius esse oculis ojectum. Accivit brevi
ad se monachos exteros, qui austeri ni-
mium videbantur monachis Constantino-
politanis, quos arguebant, quod disciplinæ
frena laxarent, duplex quavis he-
bdomade jejunium non colerent duabus
fruendo refectionibus, vino, oleo, condi-
mentis uterentur; verbo: se alerent, ut
homines profani; aliqui etiam pecunias
haberent. Patriarchæ socii tam curiose
indagabant hæc errata omnia, & tam se-
vere puniebant, ut disciplinæ amantissi-
mi non se tutos crederent. Patriarcha
Gregorius Cyprus haud multo post obiit
ex diuturno morbo; &, ut aliqui perhi-
bebant, ex dolore, quod se contemptum
cerneret: vetuitque Imperator, ne huma-
retur ut Episcopus.

§. IX.

c. 15.

c. 16.

c. 19.